



Caderno da crítica

Cuestionario Proust: Mercedes Queixas

[Ramón Nicolás 17 Decembro 2013](#)

<https://cadernodacritica.wordpress.com/2013/12/17/cuestionario-proust-mercedes-queixas/>

1.– Principal trazo do seu carácter?

– A observación para a reflexión.

2.– Que calidade aprecia máis nas persoas?

– A coherencia, a honestidade e a seguridade.

3.– Que agarda das súas amizades?

– O respecto polas diferenzas.

4.– A súa principal eiva?

– A inseguridade e a autoesixencia.

5.– A súa ocupación favorita?

– Dar aulas, ler e escribir, ademais de reencontrarme ao redor dunha mesa coa familia e coas amizades.

6.– O seu ideal de felicidade?

– Pensar que é tan real que pode acompañarnos por momentos ou ausentarse de cando en vez.

7.– Cal sería a súa maior desgraza?

– Verme na obriga de renunciar aos meus principios ou asistir á quebra da lei de vida.

8.– Que lle gustaría ser?

– Unha persoa útil aos seres próximos e á sociedade.

9.– En que país desexaría vivir?

– Neste, no meu, no que vivo e co que me identifico, aínda que ás veces me custe compréndelo.

10.– A súa cor favorita?

– Fico co lila, o branco e o negro.

11. – A flor que máis lle gusta?

– A mimosa.

12.– O paxaro que prefire?

– A lavandeira esvelta e sempre de andar elegante.

13.– A súa devoción na prosa?

– Contar o que sempre se silenciou.

14.– E na poesía?

– Revolver o corpo para renovar as emocións.

15. Un libro?

– *Memorias dun neno labrego*, por ser o primeiro que lin en galego de nena e porque me

descubriu que esta lingua tamén se podía escribir.

16.– Un heroe de ficción?

– Non reparo en heroes, prefiro as imperfeccións da realidade.

17.– Unha heroína?

– Tampouco reparo en heroínas mediáticas, senón nas reais que loitan por sobreviviren ao silenciamento e á invisibilidade.

18.– A súa música favorita?

– Teño gustos musicais moi eclécticos. Dependendo do momento e do estado de ánimo, podo procurar unha sonata de Mozart, a forza rockeira de Tina Turner ou The Boss, algunha escolma dos clásicos do jazz que con bo criterio me descubre meu irmán músico, os sons máis próximos de Aline Frazão e Mariza ou as voces cálidas da casa coas de Guadi Galego e Xabier Díaz.

19.– Na pintura?

– Maruxa Mallo e Urbano Lugrís.

20.– Un heroe ou heroína na vida real?

– Todas as persoas que, desde o anonimato e acreditando no compromiso colectivo, contribúen para o avance e a mellora do benestar social.

21.– O seu nome favorito?

– Andrea e Mariña.

22.– Que hábito alleo non soporta?

– A capacidade para mentir intencionadamente e con intereses espurios.

23.– O que máis odia?

– O conformismo, a resignación e o autoritarismo.

24.– A figura histórica que máis despreza?

– A de todos os ditadores do mundo.

25.– Un feito militar que admire?

– Ningún.

26.– Que don natural lle gustaría ter?

– A música e a pintura.

27. – De que maneira lle gustaría morrer?

– En paz comigo mesma e sen dor.

28.– Cal é o seu estado de ánimo máis habitual?

– Reilusionándome sempre.

29.– Que defectos lle inspiran máis indulxencia?

– As excusas do alumnado.

30.– Un lema na súa vida?

– Vive e deixa vivir.